



## 烏嘛嘛

彼暗，我覆佇阿母的胸坎咧軟奶，雄雄一陣人行倚來，嗤嗤吡吡。無張持，一雙手共我抱起來，我的喙猶是軟奶的喙型，喙角嘛猶津一滴阿母的奶水，我就予人丟離開阿母燒烙的身軀邊。

彼暗，冷風 hū-hū 叫，我予人用一條索仔縛佇路邊的一欖樹仔跤，寒甲直直顫，嘛驚甲毋敢睏，大細聲哀。阿母無來救我，嘛無人插我，放我一个佇遐吼規暝。

天拍殍仔光，我忝甲眯一下仔，就予人恰車的聲吵精神。目睷睷開，看著正片是車路，倒片是一个資源回收場。亂操操的鐵籠仔疊甲懸懸懸，lok-koh-sok-koh 的物件鎮甲規四界，不時閣有水對回收場流出來。四界澹糊糊，予我感覺又閣寒又閣溼。

這馬敢是秋天？無，跤邊哪會遮濟樹葉仔，擰頭一下看，樹仔頂的葉仔有影落甲欲了矣。我徙過來、行過去，彼條索仔予我袂當揣著焦鬆的所在通倚。我足寒的，嘛足想阿母的。

無佬久，有一个縛毛尾仔、搯一个粉紅仔冊搯仔的查某因仔行來我的身軀邊，跔落來摸我的頭。伊陪我要一睏仔，就隨倚起來，行對人行道彼片去，閣不時越頭來看我。

自按呢，我定定看著這個查某因仔行對我遮過，伊嘛攏會停落來恰我要一下仔才離開。尾仔我才知影，伊是附近一間學校的小學生。

我的主人毋知是良心發現，抑是聽著我逐暝寒甲哼哼叫。總算佇一擺寒流來進前，替我釘一跤狗籠仔，予我有一个睏會落眠的所在。

雖然我覷佇籠仔內，毋過逐早起，我攏會聽著彼个查某因仔咧叫我：「烏嘛嘛……。」我就隨精神，一直共搖尾，一直舐伊的手。我足愛伊恰我講話，摸我的耳仔恰下頰，因為按呢我才有予人惜、得人疼的感覺。

一段日子了後，彼个查某因仔煞無閣再出現，我的孤單，化做一聲一聲的「啊嗚——啊嗚——。」煞予主人罵講：「予你籠仔睏，予你飼料食，猶閣烏白喈。」

我掠主人金金看，閣再「啊嗚——。」

作者：吳令宜

### ☆詞彙學習☆

【胸坎】hìng-khám：胸膛、胸部。

覺舒服。

【無張持】bô-tiunn-tî：突然、冷不防。

【毛尾仔】mîng-bué-á/mîng-bé-á：辮子、馬尾。

【津】tîn：滴。

【眯】bî：眼睛微微閉合，引申為小睡一下。

【越頭】uát-thâu：頭向後轉。

【鎮】tìn：占。

【下頰】ē-hâi：又唸作 ē-huài。下巴。

【焦鬆】ta-sang：乾爽。乾燥清爽，讓人感

【喈】kainn：狗因痛苦而哀叫。